

Bōk joñan injuran eo elabtata ibben Oregon Health Plan

Oregon ej kōtōbar in:

1. Kadiklok joñan armij ro ejellok aer injuran ilo state eo ilo tōrre in im ej jiljino bōjjāān ñan diklok jen ruo bōjjāān, im
2. Jolok kalijeklok ko kin lal im kumi ko armij rej kobalok ibbeir im rej koba ilo joñan armij ro ejellok aer injuran ilo ien in.

Ñan tōbare kōtōbar kein, Oregon enaj madmōd in jolok abañ ko ilo jikin jermal ko im rej kōmman an armij luuji injuran ko aer ak kōmman aer jab maron bōk injuran maktata. Bebe ko emōj kalikar ilo beba in lomnak in enaj kebaaklok state eo ñan deloñ aoleb jibañ ilo injuran, im bareinwōt kadiklok kalijeklok ko ilo an kadeloñ elōñlok armij ro remaron tōbrak ilo Medicaid im kōmman bwe an aitōklok ien an woñmaanlok an wōr injuran ñan kejbarok an armij deloñ wōt ettaer.

Kinke ruo bōjjāān in armij ro ilo Oregon ejellok aer injuran im rej ba rejab kōnaan aer injuran¹ Oregon ej kōtōbar in kadeloñ 98 bōjjāān in likiō in injuran eo emmon wonnen an state, kin ejellok tōkjen an wōr kalijeklok ko ilo injuran ibben kumi in armij kin lal im kumi ko rej kobalok ie. Ñan tōbare kōtōbar in, bebe in jab lelok kōmelim emōj kalikar ilo Bija B enaj kōjejjet kūtien ibben kakien in kōmelele melele ko rekāāl im emōj lemaanlok 1115(a):

1. Lelok bwe en woñmaanlok kadeloñ etan ajir ilo Oregon Health Plan (OHP) mae ien kemem eo aer bwe en jiljino aer yiō (joñan yiō 0-5);
2. Kōmman bwe en woñmaanlok ilo ruo yiō an deloñ etan armij ilo OHP ñan ro jiljino aer yiō im rūttlok; im
3. Lelok ial in kadeloñ āt ilo OHP eo emōkaj ñan armij ro rej kateruru ñan Burokraam in Jibañ kin Ōn in Mōñā eo elablok (SNAP).

Abnōnō im Melele ko Maanlok

Armij rej aikuj injuran in taktō ñan bōk kejbarok in ejmour im kejbarok an emmon aer mour ñan er make im baamle ko aer. Armij ro ejellok aer injuran in takto ebinlok aer bōk jibañ ko ikijen

¹ Waanjoñok kin Injuran in Taktō ilo Oregon (2019)

taktō,²remaron ioon likjab in taktō ko relab ilo ien aer jab bōk jibañ in taktō,³ im ajiri ro nejeir ediklok aer maron bōk kejbarok ko ikijen bōbrae ko an ajiri jen ro mōttaer im rej injuran ibben Medicaid.⁴ Ebar lablok aer maron karumij kejbarok eo rej aikuji, im emaron kōmman bwe en nanalok jemlok in ejmour ko aer im kōlablok aer aikuji kejbarok eo elablok, jemlok ilo an lablok wonnen ko ñan jikin jermal in ejmour eo.^{5, 6}

Jekdon an lablok joñan injuran jen Affordable Care Act (Kakien in kadiklok wonnen taktō, ACA) im melele ko rekāāl kiō 1115(a) an Oregon im emōj kojejjet kutien, elab an lon armij ilo Oregon ejellok wot aer injuran in taktō. Jonan eo kin ro ejellok aer injuran ibelakin state eo emoj an joñan wōt tarrin 6 bojjaan jen lablok in ACA ilo 2014. Auroktata, joñan ko ejellok aer injuran ibben jet jukjukinbed ko armij ro rejab mouj kilier im jukjukinbed ko an Bwij ear ruo alen aer lablok (lale Bija 1).⁷ Kalijeklok kein rar kwalok ke jikin jermal ko emōj kabin ñan jibañ kumi in armij ro relab. Ñan tōbar kōtōbar in jolok kalijeklok ko ikijen ejmour mokta jen 2030, Oregon aikuj jolok abañ ko jen etto im rej kōmman bwe ejab joñan wōt juon an armij maron bōk injuran.

² Hailun Liang, May A. Beydoun, im Shaker M. Eid, Health Needs, Kōjermal Jibañ ko im Bōk Kejbarok Ibben Rinañinmij ro an Medicaid im Ro Ejellok aer Injuran im ewōr aer Nañinmij ko Rejab Bōjrak ilo Jikin Ejmour ko, Beba in Jeje kin Katak im Kakien 24, ejellok. 3 (Julae 2019): 172-181.

³ Sherry Glied im Richard Kronick, Aurōkin Injuran in Taktō: Jet ian ro Ejellok aer Injuran Ebwe Mennin Jibañ ko aer ñan Kolla Wonnen Muri in Aujbitol ko Remaron Walok (Washington, DC: Office of Assistant Secretary for Planning and Evaluation, HHS, Mae 2011), <http://aspe.hhs.gov/health/reports/2011/ValueofInsurance/rb.pdf>

⁴ Maya Venkataramani et al., “Spillover Effects of Adult Medicaid Expansions on Children’s Use of Preventive Services,” Pediatrics, Tijemba 2017, <https://pediatrics.aappublications.org/content/140/6/e20170953>


⁵ Etale eo an KFF kin Waanjoñok eo an len Kajitōkin eo Kin Ejmour an Aelon eo ilo 2019. <https://www.kff.org/uninsured/issue-brief/key-facts-about-the-uninsured-population/view/footnotes/#footnote-494622-13>

⁶ Cesar I. Fernandez-Lazaro, et al., “Medication Adherence and Barriers Among Low-Income, Uninsured Patients with Multiple Chronic Conditions,” Katak kin Armij im Kōmadmōd Wūno 15, ejellok. 6 (Junn 2019): 744-753.

⁷ Waanjoñok eo an Oregon kin Injuran in Taktō, 2019

Pija 1.

Elablok an jukjukinbed ko armij ro rejab mouj kilier ejellok aer injuran.



Jikin bōk melele eo: Waanjoñok eo an Oregon kin Injuran in Taktō (2019)

Jekjekin immigration ej woñmaanlok in kōmman an armij jab maron ebōk injuran in taktō, bōnōbōn eo kin jet ian kalijeklok kein. Ilo an kar webben Cover All Kids (2017) im Cover All People (2021), Jikin Kwelok eo an Oregon ear kwalok juon kallimur in lelok jāān ko an state ñan kōlablok likiō in injuran ñan armij ro ilo Oregon ilo tōrre in ñan ro rejab maron tōbrak ñan Medicaid kin jekjekin immigration eo aer.^{8,9} Bōtab, ilo an ejellok kejbarok eo elablok im burokraam ko rej kakoba aoleb, armij ro ejellok aer beba im kajin eo ejellok injuran manit, mijak, im abañ ko jet ñan ebōk injuran im kejbarok.¹⁰ Oregon ej lale abañ kein ilo an kōlablok kōtōbar eo ekkar ñan manit ilo tōrre in im madmōd ko ñan jelālokjen ñan kakoba armij ñan jibañ ko an state im injuran an Medicaid ekkar ñan jekjek ko aer, im ñan lolorjak remaron bōk jibañ in taktō ilo ien aikuj.

Eloñ armij ro ejellok aer injuran ilo Oregon remaron tōbrak ñan injuran eo an Medicaid ak ilo Jikin Wia eo. Etale Waanjoñok eo an Injuran in taktō an Oregon (OHIS) ej kwalok laajrak:

Elablok jen juon mōttan jilu in armij ro ejellok aer injuran ilo Oregon rar kōjella ke ilo aer “luuji injuran in OHP” ear wunin an ejellok aer injuran.¹¹ Melele ko jen Waanjoñok eo an Injuran in Taktō an Oregon ear kwalok ke eloñ armij ro ejellok aer injuran ilo Oregon im rej maron wōt tōbrak ñan OHP jekdon ñe renaj luuji injuran in OHP eo aer, im kin mennin remaron bar kadeloñ ettaer iloan juon ak ruo yiō.

⁸ <https://olis.oregonlegislature.gov/liz/2021R1/Measures/Overview/HB3352>

⁹ <https://olis.oregonlegislature.gov/liz/2017R1/Downloads/MeasureDocument/SB558/Enrolled>

¹⁰ <https://www.ncbi.nlm.nih.gov/pmc/articles/PMC4634824/>

¹¹ Waanjoñok kin Injuran in Taktō ilo Oregon, 2019

Jako jermal (23%), jab maron kolla wonnen injuran eo jen jikin jermal (20%), diklok awa in jermal ej kōmman aer jab maron tōbrak ñan injuran eo an jikin jermal (12%), im juon jikin jermal ear bojrak an lelok injuran (7%) rej wunin ko relab wunin an ejellok injuran.

Tarrin 78% in armij ro ejellok aer injuran ilo Oregon remaron tobrak ñan OHP ak ñan injuran in jibañ eo ilo Jikin Wia Injuran in Taktō an Oregon. Tarrin 26% armij ro ejellok aer injuran ilo Oregon remaron tōbrak ñan OHP. Joñan ajiri ro ejellok aer injuran im remaron tōbrak ñan Medicaid elablok: tarrin 60% in ajiri ro ilo Oregon im ejellok aer injuran remaron tōbrak ñan CHIP. Tarrin 52% in armij ro ejellok aer injuran ilo Oregon remaron naj tōbrak ñan injuran eo ewōr jibañ in kolla wonnen jen ibben Jikin Wia Injuran in Taktō an Oregon.

Armij ro rejab mouj kilier elab aer kwalok armij ro ejellok aer injuran im remaron tōbrak ñan OHP. Melelein mennin ke jermal ko rej lale ñan kōkmanmanlok injuran ñan armij ro remaron tōbrak ñan OHP ej bebe eo elab ñan kadiklok kalijeklok kein ilo injuran. Ibben jukjukinbed ko an Hispanic ak Latinx, 1 ilo 3 armij remaron tōbrak bōtab ejab deloñ ettaer, im ibben armij ro rejab Hispanic im rej kalikar rej kobalok ibben bar juon kumi in armij im ejab RiBelle, tarrin 42% kolla ko aer rej aikuj kōmman aer maron tōbrak ñan OHP.

Bōjrak in injuran ko emōj kalikar ilo melele ko an OHIS remaron jibañ mour kinke bōjrak kein rej kōmman an armij luuji aer maron bōk jibañ ak jako aer jelā kajeen taktō ro emōj aer iminene ibbeir. Juon katak ilo 2015 ear etale joñan bōjrak eo (jañij jen kain injuran ak luuji innem bar kadeloñ at ilo injuran) im ear loe ke armij ro rej ioone likjab ilo injuran ej mōttan bōjrak eo aer ear lablok aer aikuj maron kar jañij taktō im lablok aer aikuj likjab in bōke wā ak wūno ko, jen ro rar bōjrak ilo an ejellok likjab ilo injuran eo aer. Armij ro rej ioone an wōr likjab ilo injuran eo aer ear bar lablok aer maron ripoot kin rumij ilo kejbarok eo aer kin wonnen, abañ in kolla muri ko, ak ebōk wōt joñan kejbarok eo ebwe ak enana joñan. Alikтата, jimetan in wōt ro rar ioone an wōr likjab ilo injuran eo aer rar kōjella ej juon men eo ear jab emmon ñan aoleb jibañ in taktō im joñan kejbarok (jen 20 bojjaan in armij ro ear ejellok likjab ilo injuran eo aer).¹² Im elabtata, juon etale an 2015 kin melele eo an aoleben lal eo jen 2005-2010 ear bwinne ke joñan kōmadmōd ñan an juon armij ebōk/bar bōke injuran eo ilo juon ien, ekoba kadiwōj etan ak bar kadeloñ etan, wonnen ko ikōtaan \$400 im \$600 ilo 2015, juon joñan eo emaron lablok kiō.¹³

Oregon ej kōtōbar in kōlablok an woñmaanlok an ajiri maron tōbrak jen ien lotak ñan raan in kemem eo kein kajiljino im ej loor kōtōbar eo ñan lolorjak an aoleb ajiri deloñ ilo jikuul im bojak in katak. Einwōt emōj jeiki ilo ial in kōtōbar ko an Oregon ñan Burokraam in Raise Up an Oregon,¹⁴ kōlablok rōjañ im bōbrae ilo ejmour in enbwin im lomnak ko an ajiri jidik ilo aer bed iturin armij, im

¹² <https://www.healthaffairs.org/doi/10.1377/hlthaff.2016.0455>

¹³ <https://www.healthaffairs.org/doi/10.1377/hlthaff.2014.1204>

¹⁴ <https://oregonearlylearning.com/wp-content/uploads/2019/01/Raise-Up-Oregon-Web-corrected.pdf>

kalikar ajiri ro redik ewōr aer aikuj ko ikijen lomnak kin wāween aer bed iturin armij im utamwe im ejmour ilo ien eo emokaj im aurōk ñan kōtōbar in. Wonmaanlok joortoklik ñan ajiri ro redik ej juon kein jermal eo aurok ej jibañ an niknik an armij maron bōk jibañ in taktō im jibañ ko ikijen bōbrae im rej mennin aikuj ñan kalikar im lale abnōnō ko kin enbwin, muten, im utamwe mokta jen aer kakkure tōbrak eo an ajiri ilo jikuul. ¹⁵ Katak ko rej kwalok ke ñe ewōr likjab ilo injuran enaj kōmman bwe an lablok an jab tōbrak aikuj ko ikijen taktō, wūno ko jen taktō, im taktō in ni, juon rumij in bōke idin jibañ in taktō (14) im diklok an maron wōr juon jikin bōk kejbarok im kejbarok an ajiri.^{16,17} Likjab kein ñan ebōk jibañ elablok aer aurōk ñan ajiri ro dettan pre-school emōj an Oregon kaurōk, bwe emōj an ro ewōr aer kapeel rōjañ kin 16 alen ien taktō ko an ajiri mokta jen 6 aer yiō.¹⁸

Oregon ej kōjejjēt kūtien eloñ jemlok in kakien ko ñan kadeloñ etan armij ro rejab injuran ilo OHP ak ilo juon injuran eo ewōr jibañ kin wonnen jen Jikin Wia Injuran in Taktō eo an Oregon. Ñan madmōd eo ñan kadiklok im kabidodo an deloñ etan armij ilo burokraam in jibañ ko im kōkmanmanlok an iminene ko armij ro rej iooni, Oregon ear kōjejjēt kūtien jikin jermal eo Maron Tōbrak an Oregon (ONE) ñan burokraam ko an MAGI Medicaid/CHIP ilo 2015, im kōkkāāl kein jermal eo ilo 2020 ñan kakoba SNAP, TANF, im burokraam ko an Jikin Jermal im ikijen Jikin Lale Ajiri ak Rūtto in Raan (ERDC).¹⁹

Ilo 2013, Oregon ear kōjejjēt kūtien juon madmōdin kadeloñ āt eo ear kōmōkaj ekkar ñan melele in kajinet eo an CMS ear loe, im state eo ear kōmmane kōtōbar eo ñan ro rej ebōk SNAP im remaron tōbrak bōtab ejab deloñ ettaer ilo OHP.²⁰ Etale eo an 2021 kin rej uwaan SNAP ear kalikar tarrin 17% in rūtto (joñan yiō 19 im rūtto) rej uwaan keij eo an SNAP kin kolla ko rediklok jen 138% FPL (kajojo SNAP ñan imōn jokwe im bōnōbōn ko an kolla) rejab deloñ ettaer ilo OHP, im 7% in ajiri (joñan yiō 18 im diklk) ro uwaan SNAP kin kolla ko ediklok jen 305% FPL im ejab deloñ ettaer ilo OHP. Mennin ej kwalok juon ien ñan kōjerbal jikin melele ko ilo burokraam ko ñan bōk joñan eo elabtata ilo injuran in OHP.

Kōmelim kin wāween kōmadmōd ko emōj lemaanlok

Kin abnōnō kein emōj kalikar ijin loñ, emōj an alikar ewōr abañ ko jemaron jab iooni ñan bōk injuran im woñmaanlok kin injuran; im ej abañ kein rej letōk uwōta ñan armij ro rej bed ilo

¹⁵ <https://ccf.georgetown.edu/wp-content/uploads/2021/07/Continuous-Coverage-Medicaid-CHIP-final.pdf>

¹⁶ Jennifer E. DeVoe, Alan Graham, Lisa Krois, Jeanene Smith, Gerry L. Fairbrother, “Lomnak kin Likjab eo” ilo Injuran in Taktō eo an Ajiri: Ewōr ke Tōkjen Joñan Aitōkin Likjab in Injuran in Taktō eo an Ajiri?, Taktō in Ajiri kin Idin Jibañ, Mōttan 8, Beba 2, 2008.

¹⁷ Cassedy A, Fairbrother G, Newacheck PW. Ta eo ej walok ilo ien an jab kwōn an ajiri maron bōke, kōjerbal, im kadedelok injuran in taktō. *Ambul Pediatr.* 2008 Jebtomba-Oktoba;8(5):321-8. doi: 10.1016/j.ambp.2008.04.007. Epub 2008 Juun 16. PMID: 18922506.

¹⁸ <https://ccf.georgetown.edu/wp-content/uploads/2018/10/Promoting-Healthy-Development-v5-1.pdf>

¹⁹ ONE.oregon.gov ej kein jermal eo an Oregon ej make wōt ñan kateruru ñan jibañ ko an ejmour in armij

²⁰ SHO letā emōj je ilo raan eo Mae 17, 2013, taitol eo “IKIJEN: Kōlaajrak Medicaid im Kadeloñ Āt ibben CHIP im Kōkkāāl ilo 2014”

jukjukinbed ko ejab armij ro emouj kilier im jemlok ilo an wōr kalijeklok ko kin taktō. Armij ro rejab mouj kilier elablok an maron ejellok aer injuran im Oregon ej kaurōk an kiil likjab kein ilo jikin jermal eo im ej kōmman an armij luuji injuran ko aer ak kōmman aer jab kadeloñ ettaer maktata. Ilo an Jikin Kwelok eo an Oregon bōk buñten ko ñan kōlablok an armij maron bōk jibañ ilo ejellok kalijeklok, bebe kein emōj kōmelele ijin lal emōj kōmmani ñan lale abañ ko rej bed wōt jen etto kin injuran im rej jemlok ilo an wōr kalijeklok ko kin taktō.

Kōmman bwe an woñmaanlok an deloñ etan ajiri ilo yiō ko jinoin

1. Lelok bwe en woñmaanlok an deloñ etan ajiri mae^{raan} in kemem eo aer 6

Oregon ej kajitōk an woñmaanlok an deloñ etan ajiri mae jemlokin allon in kemem eo aer bwe en 6 aer yiō, jekdoñ ñaat eo renaj kadeloñ ettaer jinoitata ilo Oregon Health Plan, im jekdoñ oktak in jekjek ko aer im remaron kōmman aer jab maron tōbrak. Ilo tōrre in Oregon ej kōjermal wōt ekeele eo ibben federal ñan an woñmaanlok maron tōbrak iomwin 12 allon ñan aoleb ajiri, joñan yiō 0-18, kin kakien ko ñan jolok etan ajiri ro renaj 19 aer yiō ak emakūt jen state eo ekkar ñan mennin aikuj ko an federal. Kaitōklok ien in ñan ajiri ro rediklok enaj kabin injuran in taktō eo aer innem kōlablok aer maron bōk etale im kōmadmōd ko rej aikuji ilo ien aer dik.

Niknik kin injuran in OHP enaj kadiklok bōjrak ko ibben armij rein remojno im kōmelim aer maron bōk jibañ, im ej aurōk eo ñan ejmour eo emmonlok. Kinke eloñ ajiri rein rej bed wōt ilo aer maron tōbrak ñan joortoklik, jolok bojrak ko rej kadiklok wonnen madmōd ko im abañ ko ñan baamle im ñan state eo ilo bar madmōdin ablikajon eo. Innem, kōlablok joñan ajiri ro ej woñmaanlok aer injuran emaron aliktata kadiklok wonnen injuran ko an kajojo armij, einwōt an ajiri bed ilo OHP iomwin ien aitōklok enaj emmonlok aer bōk jibañ in bōbrae im taktō ko remaron kadiklok aikuj eo ñan kōmadmōd ko elablok wonneir kin an kar rumij aer maron ebōk jibañ in taktō. Kōlablok ien ikōtaan etale ko an maron tōbrak ñan ro uwaan baamle eo enaj kōlablok an bidodo kōmadmōd ko ñan baamle ko im kōlablok an bin injuran ñan kajojo armij im baamle ko ilo OHP.

Kejbarok kakien ko rej kadiklok bōjrak ko ñan ro uwaan Medicaid

2. Kōmmane an woñmaanlok OHP ilo ruo yiō in an deloñ ettan ro 6 aer yiō im rūttolok

Oregon ej bar bukōt an lelok an woñmaanlok an deloñ etan ajiri im rūtto ilo ruo yiō ñan ro 6 aer yiō im rūttolok, jekdoñ oktak ko ilo jekjek ko remaron kar kōmman aer luuji aer maron tōbrak. Oktak in enaj:

- kabin joortoklik ñan jodikdik im likao im jiron,
- kōlablok aer maron bōk jibañ in taktō im bōbrae, im
- kejbarok an rinañinmij woñmaanlok in maron bōk jibañ in taktō.

Kōmman an woñmaanlok kadeloñ āt im kōlablok ien ikōtaan kōkkāāl ko ñan maron tōbrak renaj kejbarok an woñmaanlok injuran ko rej tōbrak ilo an walok kakien in jibañ ko ikijen COVID im emōj kar kōwebben ilo 2020. Ilo 2018 im 2019, tarrin 25% in ro rar deloñ ettaer ilo OHP emōj an deloñ ettaer ilo OHP ilolan allon ko 6 maktalok. Iomwin allon ko 6 remootlok ilo 2020, joñan in ear walallok ñan 5% in ro rekāāl im ear deloñ ettaer. Joñan mōkaj an armij bar deloñ ettaer ilo OHP ej kwalok ke

emōj aer luuji injuran in OHP jekdoñ remaron tōbrak. Diklok in joñan ro ekāāl an deloñ ettaer ej kwalok ke kakien ko an federal im emōj kar kōjejjet kūtiein ilo ien jorraan eo elab im ear jelote aoleben lal in ear ñan kejbarok an tōbrak bwe armij en wōr aer injuran en kadiklok bōjrak eo ilo Medicaid.

Kōjejjet madmōdin kadeloñ āt im maron tōbrak ñan armij ro rej kabōk jibañ ko jet

3. Lelok juon ial in kadeloñ āt ilo OHP emokajlok ñan armij ro rej kateruru ñan jibañ ko an SNAP

Emōj an Oregon kajitōk juon ekeelel in kadeloñ āt an OHP emōkajlok ñan armij ro rej kateruru ñan Burokraam in Jibañ kin Ōn in Mōñā eo Elablok (SNAP). Oregon Health Authority enaj kalikar armij ro rej: 1) mōttan juon keij in SNAP 2) ewōr aer kolla ekkar ñan joñan ko an OHP im 3) rejab kajitōk ak kadeloñ āt ilo OHP. Armij renaj kōjellā remaron tōbrak ñan kadeloñ āt ilo OHP ekkar ñan melele in SNAP eo aer. Ro rej kaju ilo aer uwaak im uwaake joñan kajitōk ko rediktata (ñan kamool an deloñ ettaer ilo OHP ebañ kōmman bōjrak ñan Medicare, injuran ilo Jikin Wia eo, ak jibañ ko an joñan yiō im ikijen utamwe) enaj deloñ ettaer ilo OHP ilo aer kōjerbal joñan armij ilo imōn jokwe im bōnōbōnin kolla im ear komman jen kakien eo an burokraam eo an SNAP.

Kōjerbal melele in keij in SNAP ñan kadeloñ āt ilo Medicaid/CHIP enaj tōbrak ibben CMS ilo 2015 SHO # 15-001 letā eo ej taitol, “RE: Ekeelel in Kakien ko ñan Kōjerbal SNAP ñan lale Maron tōbrak ñan Medicaid im juon Kōkkāāl in Kōtōbar in Bebe ko ñan Kadeloñ Āt.” Kōmelim in ilo letā in SHO ewōr joñan ñan oktak ko an keij im aer lale laajrakin maron tōbrak ikōtaan SNAP im Medicaid/CHIP ej einwōt juon im ejenelok imōn jokwe ko rej SNAP im roktak. Elabtata, imōn jokwe in SNAP ko ewōr “citizen ro rejab maron tōbrak” rebañ koba ilo lomnak eo ñan an mokaj an kadelon ettaer ilo Medicaid/CHIP; elon armij ro im jekjekin immigration ko aer rej kotobrak mennin aikuj ko an Medicaid/CHIP ñan likio in injuran; im aoleb armij ro remaron tobrak ñan CAWEM, Cover All Kids ak tokelik injuran eo an Cover All People reban koba ilo kōmelim in. Kin wunin in, Oregon ej kajitōk kakien ñan kōmman an OHA emaron lomnak ke armij eo ej kateruru emaron tōbrak ñan OHP ekkar ñan melele in keij eo an ilo SNAP jekdon ñe ejellok jet melele ko ekka aer jermal ñan lale an armij maron tōbrak ñan Medicaid. Armij ro renaj ebōk injuran ibben OHP kin ial in SNAP emōj kamokajlok enaj woñmaanlok an maron torbak ñan ruo yiō ilo ien kadeloñ āt ilo OHP jinointata. Alikin ruo yiō, renaj loor madmōdin eo ekkā in bar lale aer maron tōbrak ñan OHP.

Kadeloñ etan armij ro rej kateruru ñan SNAP enaj bar kadiklok abañ eo ibben baamle ko ilo aer kateruru ñan jibañ ko jen eloñ burokraam ko. Oktak in aikuj kōlablok joñan armij ro rej deloñ ilo Oregon Health Plan im kōlablok an jejjet kūtien burokraam kein jimor ilo aer aoleb kōtōbrak aikuj ko an kajojo armij im baamle ko.

Ta melelein kakien kein ñan ro uwaan OHP

Ñan armij ro remaron tōbrak bōtab ejab deloñ ettaer, kwōmaron loe an lablok aer kōmman madmōd in lelok melele im kakoba armij ñan jibañ am deloñ ilo OHP, emmonlok ilo kajin eo am ak jen ibben ro rō mōttam im doulul ko ilo jukjukinbed ewōr am iminene ibbeir im remaron jibañ armij

eo uwaan doulul eo. Ñe armij eo ak baamle eo ej ebök jibañ ko jet, einwöt jibañ in mōñā Burokraam in Jibañ kin Ōn in Mōñā eo elablok, jet ien etannin Oregon Trail Card ak jibañ in EBT, bōtab ejellok aer injuran in taktō, remaron bōke melele ko kin kadeloñ ettaer ilo OHP kin mennin aikuj ko ediktata joñan ñan melele kāāl.

Ñan ajiri ro ilo OHP, an woñmaanlok an deloñ ettaer jen ien lotak mae kemem eo aer kein kajiljino ej melelein injuran in taktō im aer maron loe wöt taktō ro emōj aer iminene ibbeir enaj woñmaanlok ilo an jab kabōjrak an wōr aer injuran ilo yiō ko raurök im rej dettan pre-school im elabtata an aurok bwe en nikip ien aer takto in ajiri.

Ñan jinen im jemen im rikejbarok ro an ajiri ro ilo OHP joñan yiō jiljino im rüttolok, juon kakien in kadeloñ āt ej wonmaanlok ilo ruo yiō ej melelein enaj diklok aer inebata elañe juon oktak jidikdik ilo jikin jermal ak kolla enaj kōmman bōjrak ko ñan jibañ in kejbarok ko an ajiri im rütto. Jinen im jemen im rütto ro jet ilo OHP rej bar bök jibañ jen ien ko aitoklok ikotaan ien kokkaal, kadiklok inebata, kadiklok abnono ko ikijen kolla wonnen jiban in ejmour im loe takto ro emoj aer iminene kake er enaj wonmaanlok wöt.

Bija A

Lablok (ejab-1115(a) kōmelim) bebe ko

Eñin ej jet bebe in jibañ ko relablok Oregon ej kōtōbar ñan jibañ jermal in. Ñe ekkar, Oregon emaron kōtōbar 1332 kōmelim im wāween ko jet ñan kōjejjet kūtien bebe kein.

1. Kōmman oktak ko ilo jikin wia injuran ko an kombani emoj kommani ñan kōkmanmanlok an wonmaanlok injuran im an armij maron boke jiban in kejbarok nan aoleb armij ro rej ebok injuran in takto jen Jikin Wia Injuran in Taktō an Oregon, ikijen kakien im bebe ko rej jiban an armij im baamle ko emakut jen Medicaid nan juon injuran an kombani, emaron lok ñan juon kajitok in komelim 1332.
2. Injuran eo an kaitoklok Medicaid ñan kirae ñan ro rar kōlōtak ninnin ñan 12 allon ilo Ebrol 2022 kin kakobaba in bebe eo an state (SPA) kajojo kakien ko ilo Kakien in Bebe in Jibañ eo an RiAmedka an 2021.
3. Lolorjak ke CCO ko rej woñmaanlok in lelok melele im jibañ in kajinet ko rej jibañ im kejbarok ro uwaan doulul eo im remaron wōt maron tōbrak moktalok jen raan in bar lale kōmadmōd ko rej kōlaajrak ibben aoleben burokraam ko.
4. Kin an kar webben Kakien eo an Senate 65²¹ ilo ien kwelok eo an Rikwelok ro ilo Oregon 2021, eddo in kōmadmōd Jikin Wia Injuran in Taktō eo an Oregon enaj emakūt ñan OHA. Oktak in enaj kōmelim bwe en bidodolok an OHA kalikar ien ko ñan kabin injuran ñan armij ro rej oktak ikōtaan OHP im injuran eo ilo Jikin Wia eo.
5. Loor madmōd ko jet rej kōmman an state im federal ñan kōlablok ak kabin joortoklik in taktō, ekoba Kumi in Madmōd ñan an Aoleb Maron Bōke im madmōd ko an kumi in kwelok eo an kien ñan bukōt juon kelet an armij ekkar an state.²²
6. Woñmaanlok an Kōjejjet Kūtien Injuran ñan Aoleb Ajiri (2017) im Injuran ñan Aoleb Armij (2021), kōtōbar in jibañ ko ekkar ñan kallimur eo an rikwelok ro an Oregon ñan lelok injuran ñan armij ro ilo Oregon im rejab maron tōbrak ñan Medicaid ilo ien in kin jekjekin immigration eo aer.
7. Continue implementing the Citizen Alien Waived Emergent Medical (Woñmaanlok an Jejjet Kūtien Kōmelim Idin Taktō ñan Rilikin eo ej Jokwe, CAWEM) ej juon burokraam in jibañ ekoba ilo kōmelele eo an idin jibañ im injuran in jibañ ñan Injuran ñan Aoleb armij, kateruru

²¹ <https://olis.oregonlegislature.gov/liz/2021R1/Measures/Overview/SB65>

²² <https://www.oregon.gov/oha/HPA/HP/Pages/Task-Force-Universal-Health-Care.aspx>

ñan jāān eo an CAWEM ñan jibañ ko an idin im remaron bōk jen ibben aoleb ro emōj kadeloñ ettaer ilo Cover All People.

8. Kōmelim an ro rej kateruru make kamool kolla ko aer, juon kakien ear tōbrak kin tarrin oktak in jolok injuran ilo ien jorraan eo an COVID-19 im ear jelote aoleben lal in.²³ Oregon enaj kōnaan bōk kakien eo ear wōr einwōt mōttan Idin Ejmour eo an Armij ñan kakadu madmōdin ablikajon im bar lale ñe remaron tōbrak. Kakien eo emōj an lablok an mōkaj im ro rej kateruru rej bōk joortoklik im maron ebōk jibañ ilo aer kōmelim joortoklik eo mokta ñan kamool aoleben kolla.
9. Kōmman bwe en juon wōt ien an kōkkāāl maron tōbrak bwe ro rej uwaan SNAP, TANF, im OHP en juon wōt ien bar lale aer maron tōbrak. Oktak in enaj kabidodolok madmōd eo ñan an baamle ko maron bōke wōt jibañ ko im kadiklok wonnen kōmadmōd ko an state.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōṇaan. Kebaak Burokraam in Kebaak Kumi ko Rej Jerbal Ibben Doon ilo Jukjukinbed ilo community.outreach@dhsosha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.

²³ OHA ej etale melele in kadeloñ āt ibben Medicaid